

## **ВАЗИФАМИЗ - УРБАНИЗАЦИЯ ЖАРАЁНЛАРИНИ ТАКОМИЛЛАШТИРИШ**

Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги Пресс-холлида Иқтисодиёт ва саноат ҳамда Қурилиш вазирликлари билан ҳамкорликда “Урбанизация жараёнларини тубдан такомиллаштириш чора-тадбирлари тўғрисида”ги фармоннинг мазмун-моҳияти” мавзусига бағишлиланган матбуот анжумани бўлиб ўтди.

Маълумки, давлатимиз раҳбарининг 2018 йил 28 декабрдаги Олий Мажлисга Мурожаатномасида республикада барқарор ривожланишнинг урбанизация жараёнини фаоллаштириш мақсадида алоҳида вазифалар белгилаб берилди. Жумладан, мамлакатда урбанизация даражасини 2030 йилгача 60 фоизга етказиш вазифаси қўйилди.

Шу муносабат билан 2019 йил 10 январда Президентимизнинг “Урбанизация жараёнларини тубдан такомиллаштириш чора-тадбирлари тўғрисида”ги Фармони қабул қилинди. Ушбу Фармонга мувофиқ Иқтисодиёт ва саноат вазирлиги ҳузурида мамлакатимизда урбанизацияни тартиба солиш соҳасида ягона давлат сиёсатини амалга оширувчи Урбанизация агентлиги ва Урбанизацияни ривожлантириш жамғармаси ташкил қилинди.

Урбанизация жараёнини фаоллаштиришга доир белгиланган чора-тадбирлар ҳамда шаҳарсозлик соҳасида олиб борилаётган ишлар ҳақида Иқтисодиёт ва саноат вазирлиги ҳузуридаги Прогнозлаштириш ва макроиқтисодий тадқиқотлар институти директори ўринбосари Т.Ахмедов ва Қурилиш вазирлигининг Бош режаларни ишлаб чиқиш бўлими бошлиғи К.Эшдавлатов ўз маърузаларида батафсил тўхталдилар.

Кун тартибидаги масалалар қатнашчиларда катта қизиқиш уйғотди ва анжуман савол-жавобларга бой бўлди.

**Ахборот хизмати**  
16.02.2019